

四庫全書

集部

欽定四庫全書

集部

兩宋名賢小集卷三百三十五

六

詳校官中書臣閔思毅

助教臣常循覆勘

總校官編修臣王燕緒

校對官編修臣曹錫齡

謄錄監生臣吳澹

欽定四庫全書

兩宋名賢小集卷三百三

宋 陳 思 編

元 陳世隆 補

秋江烟草

張君彥發湖海豪士不喜為舉子學專意於詩每以
賈島姚合為法所著僅成帙清深閒雅宛有唐人風
致至其得意警絕之句雜之兩人集內殆未易辨彥

發思甚苦未嘗苟下一字每有所作必鎔鍊數日乃
定揆其用力蓋倍於江西之學人必從事於此而後
知其難且工彥發舊名奕字韓伯世為孟之河陽人
嘉定戊寅仲冬八日古晉丁煇晦夫書

寄趙紫芝

獨游非一事書札故應遲江上逢春日湖邊憶醉時有
雲為我伴終日誦君詩百鳥鳴花樹聲聲在遠思

得山中友人書

近得山中信
山中頗寂寥
酒方收秫釀
薪旋割茅燒
破屋秋多雨
平湖暗有潮
不曾逢客至
默坐過清霄

春晚

萬事吾今飛絮輕
此身如燕又巢成
暗思庾信家邊竹
綠籜新添有幾莖

夏日從陳宗之偶書偶成

自從春去後
少省出柴扉
樹暗鴉巢隱
簷空燕迹稀
憶山憐有夢
當暑詠無依
案上書堆滿
多應借得歸

欽定四庫全書

詞譜卷三百三

楚州

落帆停鼓鵲湖頭
兩度因循到楚州
柳下人家嘗識面
笑求新句寫粧樓

江樓飲客

鄰家貰酒斟酌共
王孫老菜羹遲熟
凍油燈屢昏夜
寒人罷市坐久僕
敲門隔岸歌明月
月明江水渾

游蔣山

練布作方袍
因閒偶出遨
秋風城郭淨
寒色樹林高
鹿

守禪關老僧修佛殿勞再來思久住人世事如毛

送蔡監丞赴高郵

城古似盤盂榮分刺史符夏新看藕葉夜久見蠟珠吏
過朱方接山從邵伯無文游遺迹在民俗易相孚

送杜晦之兄弟歸閩

秋來猶苦熱歸去莫貪程官寫新銜位詩傳舊姓名幾
家村酒賤一路澗泉清想到鄉閭日爭看兩弟兄

簡周宗聖

曠野有芳芷近江無早鶯春詩定多少旬日又清明樹
暗憐楊柳花開認橘橙相尋每乖阻夢裡亦愁生

暮春

日日雨霏霏開門無所知漫尋花發處已過絮飛時替
紙蠶生遍修巢燕立危但催人老去羞作送春詩

游長干留寄聰公

僧去尋芳草客來看落花就齋槃乞米借水鼎煎茶日
炙春無色風吹天有沙欲回成再住此意問林鷗

舟次湖口追憶任明府

重来又十年山水故悽然
獨雁仍為侶雙鳬已作仙
濁流分蜀派青色聚淮烟
石上罾魚者猶言縣令賢

慈母磯

莫嫌舟逆上子細得看山
衆草名難識孤花影自閒
避人鴈翅響經雨石文斑
夜久江風冷神仙定往還

寄別顏伯奇

情深袂怕分豈不欲辭君
轉柁方乘曉思山已隔雲
菊

當前路見鴈在半江聞把盞秋纔好遙憐白鷺羣

送宋謙父之清江因簡希亮

吟詩夕陽裏相送上瀟灘前路逢梅處同誰倚棹看歲
窮風力緊江濶雁聲寒持此呈蘇季人生識面難

高郵送紫芝

重逢又重別把盞更悽然明日帆開岸平湖水接天好

詩應自作

音佐

狂夢與誰圓我欲來相趁揚州且住船

逢王元任

寂寞淮南道憑君獨記余始知元住此久悔不通書暮
岳留同眺寒房與借居共懷京邑燕已是二年餘

李景文移居

能詩留幕府借宅近南湖吏去少公事客來多釣徒雪
為今夜雨梅發去年枝我爾同州住相過路不迂

元日

厯以寅為正風從艮位來桃符當壁寫竹戶趁鐘開宿
雨滋初茁長年老不材滿庭青柏葉惆悵獨持杯

送胡道士歸康廬

避世懷孤往為庵近五壑出無人作伴歸有崔相看老
石苔衣淨深山瀑布寒自言猶養母應未得燒丹

豫章別紫芝

吟苦事俱廢拙深貧未除年來如旅燕秋至即移居古
道行黃葉空囊貯素書一生江海恨惟子最知余

子山寺

迢遞前朝寺經過遂一遊白雲鴉樹曉黃葉鳳臺秋僧

舉開山話人消在世愁殿廊經劫火已費十年修

送郭道士之江州

看盡山南景忽思山北遊
屐過雲亦動琴罷月空留
世上無非熱林間一似秋
雖然乍相識別去也能愁

彭蠡阻風寄城中故人

欲行行未得累日滯孤舟
月照山皆近風吹水倒流
地名人不識秋景客相愁
憶爾惟成夢遙知獨倚樓

留滯

蕭條十日餘留滯別人居借史抄陳作黏碑學草書烟
清數村曉月落一潭虛吾自歎秋色那堪樹木疎

送翁十赴舉

今年科詔下頗亦動山情丹竈留雲守書裝冒熱行卜
知三命勝業騰一經明倘赴瓊林晏能詩舊有聲

再送盛君之昇州

君與余皆懶余如君更貧今年再同夏兩鬢獨非春去
棹孤山浪征衫西府塵似聞仍用武為算立功人

再送丕父

弟兄兄出送有約共凭闌草木雨初過江湖路轉難同
懷年各長重別酒無歡明日雙鐘下蒼崖應獨看

移菊

秋風籬落遠晨起自移栽稍覺微根損須遲數日開最
清人愛重乍見蝶疑猜昔有陶元亮因茲歸去來

贈沈莊可

卷上芳名舊所知見君還恨識君遲數莖短髮沾霜白

一葉扁舟觸浪危
問遍菊名因作譜
畫將蘭本要求詩
向南郡邑多經過
楚士能狂更有誰

寄蘇希亮

因何也識閒名字
遂托交游索近詩
想像獨吟應更苦
分明此意似相知
空林日短歸鴉早
遠水寒多雁到遲
安得爾來同度歲
傳聞畫筆最清奇

送徐和卿之上饒

江樹雜丹青
江寒少得情
亦知君去路
多是水為程
銜

位猶書岳游從半作卿如逢二泉子因說野人名

章泉
潤泉

皆居
信

山行

偶作山行只杖藜歸逢寒日下山時與僧並立看紅樹

忽有崔來栖樹枝

送人歸南康

我來方與廬山別爾去廬山是故鄉前日住山渾不覺
如今山遠却思量

舒州歲暮

窮冬日日愛天晴古寺門開絕送迎
野鶴忽來橋上立小僧獨向水邊行
過寒梅樹白全少入臘草芽青漸生
又是舒州一年了怕看新歷動鄉情

廣教寺

即二喬故宅

英雄居處終奇特幾度欲來今始能
騎省文高存古篆喬公樹朽長寒藤
清流併遠三分澗翠竹相依住數僧
沙鳥詎知千載恨日斜飛下立漁罾

游禪林寺

寺置蕭梁曾識少
今朝薜磴始經過
天低日落江湖遠
烟冷風清竹樹多
蟲引翠禽行壞屋
馬驚白犬吠懸蘿
一僧九十形容古
巖下逢余忽浩歌

漢東郡齋夕坐

廬山鮮夏洪山去
自到山邊葉已飄
鴻雁影多憐塞近
交朋書少覺身遙
屢遊騎慣將軍馬
不飲還封道士瓢
心憶清吟更岑寂
玉京誰與話寒宵

游智門寺

寺即隋文帝故宅

一間瓦屋荒山裏山路縈迴夕照明祇有比丘頭雪白
旋收經卷出相迎

傳聞此地有龍飛佛殿殘碑刻鳳螭事去千年無問處
寂寥衰草卧苔碑

畫坐

出門無所往獨自坐胡牀雨濯殘梅盡風吹百草長近
邊人喜戰偶病客傳方不奈春愁密思君對酒觴

兩宋名賢小集卷三百三

欽定四庫全書

兩宋名賢小集卷三百四

宋 陳思 編

元 陳世隆 補

學詩初藁

王同祖字與之號花洲金華人淳祐中建康府通判
次改添差沿江制置司機宜文字有學詩初集

京城元夕

以下係
兩申作

欽定四庫全書

兩宋名賢小集
卷三百四

一

鼓吹喧喧月色新
天街燈火夜通晨
玉皇不賜傳柑宴
散與千門萬戶春

湖上

長安三月又三日
繡轂絨鞍富貴家
笙鼓喧天蘭棹穩
賣花聲裏夕陽斜

偶出城來日未西
百花叢底草淒淒
遊人過盡歸來晚
行遍蘇公十里堤

送客

千金難買是心知誰遣相新又語違楊柳若知行客恨
不教飛絮撲春衣

太乙宮即事

金殿重重閉不開盤窠蒼柏兩行栽角門東畔瞻宸几
仙杖曾迎翠輦來

綠陰密處著危亭佳氣葱葱王武林一片紅塵飛不入

杜鵑啼處白雲深

山後有亭
乃武林山

夜步內門

靜夜孤燈人未眠等閒行過內門前一聲唱徹連珠喏
皇城夜間碧月朱闌綠柳邊
唱連珠喏

時事感懷

壯心如鐵氣填膺萬里中原尚塞塵一枕西風兩行淚
封疆誰是死綏人

羽書昨夜下長安鐵騎駸駸犯蜀關愁殺閨中年少婦
朝朝空望戍夫還

襄州蹀血荊州亂千里金湯狐兔憑未定樊城關已死

漢民何日見中興

蜀又交侵淮又危江湖風浪拂潢池

時江右有寇警

連朝雲氣

濃於墨想是英雄血戰時

晚秋

世變無窮客恨長欄干遍倚怕斜陽滿籬黃菊無心看
付與游蜂自在忙

明堂觀禮十三首

尚書省觀泣誓

中辛祇吉建齋壇宰相前期誓百官尊祖敬宗天子孝
儀文莫作等閒看

端門觀習肄赦儀

百官常服拱端門丹鳳啣書下九昏宰相近前宣授了
齊班舞蹈謝君恩

兩邊黃幕護朱簷中貴當頭候捲簾扶起金雞爭搶取
要教天表庶民瞻

車駕宿太廟

金甲重矛兩內臣堦前對立氣英英巡更塲內知誰問
聽得傳呼宰相名

車駕回太廟

瑞靄祥雲傍晚開九重法駕太宮迴一聲靜蹕千官肅
衛士傳呼御座來

天街夜步

風不停雲月更清千門繡幕笑歌聲御營巡檢無拘束
走馬天街夜達明

內前

青帷朱簾柳陰旁玉磬金鍾列兩行輦路旋天泥細細
雞竿揭處瑞雲黃

和寧門觀駕

星斗中天夜向晨寸雲不點月華明六飛過盡燈如晝
宮漏遲遲報五更

肆赦

九重夙夜畏天威何事清明一夕非不放明堂大朝賀

盡拋坊樂獨行歸

上以天雨免
朝賀及迎樂

觀景靈宮恭謝

聖皇宗祀懷多福恭謝回來看帶花祝敬笙鏞齊合奏

舉頭更見日光華

時積陰
初霽

膳羞進徹靜無譁宰執齋宮坐賜茶不比常朝添覆奏
常朝除目覆奏而
后出劄惟齋宮免報來除目十餘家

回龍橋望駕

回龍橋上望龍顏毅采英英瞻仰難須信吾皇自神武

何憂中國不尊安

兩行衛士錦宮袍
萬歲聲長徹九臯
過盡羽旄風細細
彩雲不動御爐高

晚秋登樓

獨上危樓望落暉
昏鴉歸處遠烟微
湖光洗得秋容淨
爭奈江南雁又飛

讀罷黃庭倦倚樓
亂雲挾雨過湖頭
年來無復登臨思
閒樵黃花送暮秋

觀雨

蕭蕭疎雨逐斜風
三兩歸鴉暮靄中
看到菊花無可看
一年秋事又成空

送劉方石歸盱江

歲云暮矣始成行
珍重劉公半月程
四海干戈風物改
亂離時節別離輕

昨日新聞未忍聽
憂時贏得鬚毛星
歸休高卧西江上
祇恐川原草木腥

與月船周君話別

明日須知子遠行一燈對話過三更離魂已逐歌聲斷
清夢空隨夜雨生

鴨爐烟冷夜窓寒著盡冬衣尚怯單忽憶故人千里別
雁費芳恨度扶欄

霜風

一夜霜風動地寒塞垣火未報平安嫦娥亦帶傷心色
為照征人尚抱鞍

夜坐

獨對寒燈客夢孤
數聲征雁下平蕪
古今多少難言事
笑指梅花解語無

坐到中宵未忍眠
祇今身世兩茫然
悲歡轉眼俱陳迹
休對寒燈說舊年

寒夜

匝地陰風黯淡天
怯寒時候祇宜眠
氈裘羔酒非吾事
自碾新茶和雪煎

風收雲捲月當天獨立中庭思悄然市井不知邊塞事
嗚嗚鼓樂吹新年

寄詩人

憶君夜夜看燈花暗數歸期未到家兒女團團生計足
還知邊塞走風沙

恰回午枕自華胥忽得周郎一紙書江上春風能幾日

莫教門外柳蕭疎

周留詩為別有歸去門前栽柳樹逢春先綠向陽枝之句

觀錫宴宣勸

中使傳宣內裏來
輔臣拜飲九霞杯
君王萬歲三邊靜
壽域先從塞北開

湖上早行

錢塘門外買湖船
霧氣冲雲水接天
只有蘇堤金線柳
半籠早日半籠烟

陰夕

恰好晴明天又陰
霜風如劍二毛侵
淮城夜雪深多少
不見擒吳奏捷音

歲晚即事

矻矻窮年漫遂名不知七日換新正困人天氣濃於酒
賴有梅花喚眼醒

元日

以下係
丁酉作

一夜東風換斗杓千門曉色雪初消君王已奏平淮雅
猶自謙冲免會朝

時以邊事
免大朝會

雲集衣冠拜紫宸榻前除目報來真君恩先到宮門柳
占得人間第一春

觀宰相早朝

五更三點內門開，御路傳呼宰相來。
天子未明思政理，

退朝常是過辰牌。

用唐人
進退格

春社

廉纖霧雨四山昏，寂寂柴簷半掩門。
客裏不知今日社，
偶過野廟見分牒。

雨意

春愁如織雨如麻，倦倚吟窓拾落花。
坐不忍眠心似醉，

悠悠身世在天涯

瞳瞳重陰晝不分
歸鴉林裏認黃昏
人間春信知多少
但覺春寒入夢魂

內前

兩桁重楊護九重
翠眉羞畫舊隋宮
柔條似怕君恩重
低拂朱欄舞曉風

麗正門開曉色鮮
萬絲綠柳御溝邊
禁中恐有題紅怨
不放涓流出內前

小立

小立危樓望眼遙
晚烟淡處見湖橋
梅花落盡寒猶力
留得東風候柳條

湖上

湖頭春水千丈碧
湖堤嫋柳不盈尺
唱歌女兒棹船回
驚起沙鷗對對立

廟山道中

蕭蕭疎雨點孤蓬
舟子招呼語順風
小麥青青春却半

一聲江上看田翁

春日雜興

迢迢清夜靜無譁
月色千門噪亂鴉

吳山月明則羣鴉噪

坐久忽

驚寒力重不知殘
雪在梅花

粉牆紅杏半離披
春滿人間花自知
幽鳥不言如有思
等閒飛上海棠枝

輕寒漠漠雨霏霏
春院人閒半掩扉
風力不知多幾許
出門只見杏花飛

百花時節燕鶯忙盡日如年懶課香午枕夢回人悄悄
一聲啼鳥傍斜陽

清明過了柳花飛簾外萋萋草正肥喚起惜春情緒處
空山殘月杜鵑啼

嚴陵舟中

萬水千山霽色新臨風一葦捷于神羊裘灘下休停棹
聞說狂奴解笑人

郊行

牧牛童子坐田頭摘草簪花兩兩謳路繞青山山繞澗
殘蟬夕照淡於秋

火雲散盡晚風涼曲澗流空草自長蠶箔成絲秧貼水
數聲布穀為誰忙

午窓

破午幽禽驚客夢隔窓疎雨喚離愁浮雲得喪知何益
早悟莊周蝶夢休

獨行

終日長廊獨自行
幻身未信一絲輕
自家心緒忡忡急
枉恨鄰牆搗練聲

初秋

晚趁涼颼上小樓
忽看梧葉早驚秋
悲懷無奈狂風雨
數盡歸鴉懶轉頭

晚登層樓

已下四首往
金陵鎖試作

西風吹我上層樓
千載興亡逝水流
數點鴉歸江浦晚
一聲雁過塞垣秋

天津橋

橋在行宮前昔人謂山如洛邑水如瀍澗因以名之

行闕千重鎖暮烟山如洛邑水如瀍黃塵障斷中原路
忍立橋頭聽杜鵑

晚出昇州門

晚驅羸馬出東城過盡山崗路却平
村店夜深人語靜
隔牆風遞暗潮聲

京口

晚風來候過淮舟閒上南徐多景樓
落日寒城伴荒草

江南人指是瓜洲

道間晚景

斷橋流水涵虛碧
遠岸空山鎖晚青
勒馬為看溪畔景
森森古木暗長汀

題鄭雲谷梅窓

匆匆歲月為誰忙
靜倚梅窓到夕陽
老菊不知秋已去
晚風時送短籬香

愛梅來訪小春花
閒卧雲房避俗譁
喚醒昏昏塵世夢

旋移石鼎煮新茶

歲晚雜興

撥盡寒灰恨轉添
不知片雪點疎簾
梅花帳冷爐烟歇
架上黃庭信手拈

時勢危棋局轉低
丈夫有志竟何為
優游輸與田家樂
問著朝廷事不知

雨雪霏霏歲又除
鯉庭目斷數行書
銷金帳下羊羔酒
便學麤人也不如

夏日金陵制幕即事

以下係戊戌以後作

五更三點造轅門了却文書日欲昏
出入戴星吾豈憚要須一飯不忘恩

早來留得氣清明吏棒軍書課日程
秉燭攬先書押了閒歌涼枕數殘更

荷花池畔竹涼牀一枕閒消夏日長
燎過水沈天正午旋移小艇採蓮房

幕府人才不在多同寅難得是恭和
一堂賓主春風裏

剩有功夫到切磋

入夏邊鋒漸報安不妨拄笏共觀山西風易把江濤湧
整暇規摹肯放閒

郡圃觀白蓮

翠蓋亭亭映玉裳臨風綽約暗飄香六郎正被繁華困
不愛濃粧愛淡粧

嬌羞處子臨粧後淡淨佳人出浴時無語倚闌如有恨
生嫌別岸汚胭脂

掩畫嬌春歛恨濃蓮芭欲實又成空都緣不肯為雲雨
開落非關一夜風

採菱人散夕陽收冷落西溪風露頭飛入白鷗花一色
暗香來處月如鉤

泰華根株本一同何分白白與紅紅半池只怕霜風倒
輸與蒼頭百丈松

秋日金陵制幕書事

幕府秋來事更多夜深猶是擬諸窠

制闕諸窠大則曰
房小則曰窠蓋倣

朝廷之制 平安號火新來急鐵騎連宵已渡河

點盡官軍點到民三千新遣殿司兵流離更講闕防策

預結強丁戍列營

流民強壯預為未慮
置勇士一軍團結之

哨馬紛紛一水間渡頭分戍要防奸可憐生計漁舟者

官給旗牌禁往還

諸渡遣官戍之以為禁奸之防至於
漁舟亦自官給黃牌黑旗以考驗

元帥謙謙盡下情麟堂垂晚更延賓遇風盡是同舟客

肯把秦人視越人

明朝玉帳過江邊騎卒行營一日先出得公庭天向夜

通宵人散起家錢

元帥江行騎卒遣幕中通夜散起家錢於諸營

秋閨

西風昨夜到庭梧
曉看窓前一葉無
秋月照人眠不得
等閒拈弄綉工夫

滿目淒涼只自知
閒將心事寄琴徽
無情梁上雙雙燕
帶取秋光一半歸

入秋情思可曾歡
深鎖朱扉怯捲簾
書几無人塵不掃
一鈞蛛網掛牙籤

江南賈客去忘歸撲面邊塵自在飛想得那邊寒較早
夜來密地剪征衣

零露瀼瀼夜氣浮嫩寒差力五更頭鄰雞啼破交加夢
冷浸梧桐月一鉤

冬日金陵制幕書事

督制堂堂兩重臣駐師移府夾江濱資糧扉屨多多辦
更有舟車乞與鄰

將督制兩閫移屯江岸應接淮城東閫亦自維揚提兵會合軍需等物多

本司貸之

官軍聞說定廬州破敵功成一滴油

一滴油
弩名

智勇功名

付元凱王三錫命到康侯

此詩為合肥作敵以重兵二十萬圍城者四十餘日制帥

杜公於援兵未至前不動聲色而破之父子俱奏雋功受上賞

城中守將方投死陣面將軍已賣降版築紛紛成底事

那知靠後是長江

此詩為滁州作敵圍滁城幾兩月守臣陳廣極力挫之敵已有退志會援

師築城於江壩未進廣中傷死有內變敵遂入而城亡矣

薄晚官軍得勝歸家家戶戶掛旌旗陣前紀律明於日

師入城來半不知

此詩為往來過軍作

三五同寮出幕遲公餘終日意怡怡歸來又被梅花惱
撥冗銅彝挿數枝

右七言絕句百首同祖少作也少作不止是離體
凡數百未敢錄姑錄此百篇為初稿非錄詩也錄
其事也詩因事而作事由詩而著不然少作何敢
傳哉同祖自髻鬢侍家君宦游弱冠入金陵幕
府目所觸意所感寓於詩詩不足錄事不可廢此
初藁所以出也孔子曰小子何莫學夫詩又曰非

求益者也欲速成者也同祖慕聖門學詩之訓將
以求益而非敢蹈欲速之戒遂以學詩名其篇嘉
熙庚子月正元日金華王同祖書於建安郡齋

兩宋名賢小集卷三百四

欽定四庫全書

兩宋名賢小集卷三百五

宋 陳思 編

元 陳世隆 補

小山集

劉翰字武子長沙人紹興間于湖張孝祥石湖范成大
大方名重一時翰遊於二公之門故詩聲日著久客
都下迄無所就有小山集

桂殿秋壽于湖先生

青帝子碧蓮宮不駕雲車騎白龍瑤池路遠羽衣濕玉
珮泠泠明月中

雙玉節到神京碧盃仙露冷如冰一聲金磬千花發洞
口天風吹酒醒

翠屏曲

小亭簾幕垂陰陰梅香入枕春生屏西窓月落翠被冷
鳥聲殘夢東風醒三年不喚清溪渡夢裏瀟西春水路

江頭女兒雙翠眉能唱劉郎芳草句

小宴

一曲歌雲勸玉觴歸來斜月恰侵牀小窓細嚼梅花蕊
吐出新詩字字香

余久客都城秋風思歸作楚語和吳郎採菱叩舷
之音

秋風兮淒淒山中兮桂枝彈余冠兮塵隨芳草綠兮未
歸家遥遥兮辭楚荆傷去國兮重登臨舞長劍兮增慨

復鳴缺兮成音採中洲兮蘭蕊望美人兮千里我所思
今天一方共明月兮隔秋水

種梅

淒涼池館欲棲鴉采筆無心賦落霞惆悵後庭風味薄
自鋤明月種梅花

紅窓怨

啼鶯喚起紗窓夢紅日滿簾花影弄翠屏香字冷薰爐
羅衣疊損金泥鳳去年君去燕歸時今日燕來君未歸

欲把相思挑錦字
夜寒懶上鴛鴦機
起來翠袖香羅薄
東風滿地桃花落

漁父

輕舟一葉一輕蓬
上有蕭蕭鶴髮翁
昨夜不知何處宿
月明都在笛聲中

春晚呈范石湖

風日蕭蕭兩鬢華
倦尋銀筆賦餘霞
五更枕上無情雨
三月風前薄命花
春困有時因病酒
客懷何日不思家

欽定四庫全書

西字名錄
卷三百五

年來事事心情懶
惟有歸耕策最佳

上元小亭

靖康詔令文章種
桐邑公侯國老家
種得人間桃李滿
春風無地不開花

石頭城

離離芳艸滿吳宮
綠到臺城舊苑東
一夜空江烟水冷
石頭明月鴈聲中

天上月

春冰一片淨無瑕
萬里清光遍海涯
欲與嫦娥移桂樹
月明先合種梅花

春日

沉沉芳酌動金波
笑引疎梅泛玉荷
幾度天寒歸雁少
一番風雨落花多
功名好在知心懶
富貴重來柰老何
鳥鵲數聲傳喜語
梁間燕子亦能歌

江南曲

我家江南同野老
自紡落毛采蘋藻
清風滿袖讀離騷

半畝幽畦種香草門前流水鳴濺濺日暮歸來自刺船
遙山數疊作媚嫵落日斷霞明晚川雨餘汀草漲新綠
紅衣濕盡鴛鴦浴採蓮女兒何處來唱我春風湖上曲
瓮頭酒熟方新蒟白魚如銀初上鉤呼兒洗杓醉明月
酒酣更作商聲謳

鴻門宴

江東遙遙八千騎大戰小戰七十二劉郎曉鞭天馬來
跼蹐長安開帝里子嬰已降隆準公君王置酒鴻門東

張良已去玉斗碎三月大照咸陽紅繡衣歸來日將夜
可惜雄心天不借當時已失范增謀尚引長戈到垓下
刁斗乍急營壘驚夜深旗尾秋風橫玉帳佳人不成夢
月明四面聞歌聲拔劍相看淚如雨我作楚歌君楚舞
明朝寶馬一聲嘶江北江東皆漢土

玉斗歌

漢高帝真英主也其入關則約三章封府庫子女玉帛畧無所有秦人歸心焉不待

白蛇赤帝老嫗夜哭然後知為天命彼姁姁項羽欲扼其喉而困之難哉鴻門之會沛公亦幾危矣項莊舞劍項伯翼蔽沛公得從間道以歸獨使張良謝羽羽受其璧此亞父知其為勇所

以慨然碎其玉
斗也感之作歌

漢兵咸陽未休舍楚王長歌到戲下項伯夜入張良營
沛公蒼皇出城謝自言戮力共攻秦不意入關成此勲
閉關籍民備他盜盡封府庫待將軍項莊拔劍項伯起
漢楚興亡在今爾鴻門壯士斬關來慷慨一卮誰懼死
君不見秦亡鹿走驪山傾四方盡起諸侯兵龍顏隆準
泗上長天之所授誰能爭英雄肯落他人手獨遣謀臣
談辯口君王間道却歸來滿地秋聲鳴玉斗

吳門行

吳歌婉婉清如水西風曉自閤門起雙撓艇子採菱來
翠荇綠蘋香十里芙蓉影落已知秋濺濕羅衣眉黛愁
回聲蕩槳入門去明月家家秋水流

客去

送客歸來月滿簷梅花微笑隔疎簾酒醒今夜銀屏冷
沈水薰爐漸漸添

哀友人

案成歌舞小春嬌何事君隨艸木凋從此巴江江上月
有人和淚獨吹簫

聞笛

誰將玉笛按涼州吹徹春風不下樓若道聲聲都是恨
不知消得幾多愁

山亭

芳草萋萋怨未歸西池殘夢要題詩綠窓昨夜東風小
開遍梅花第幾枝

題飛雲閣

一笑歸來春尚寒
小梅飄盡雪初殘
遲遲更待梨花月
醉倚飛雲十二欄

立秋日

亂鴉啼散玉屏空
一枕新涼一扇風
睡起秋聲無覓處
滿階梧葉月明中

欽定四庫全書

兩宋名賢小集
卷三百五

七

兩宋名賢小集卷三百五

欽定四庫全書

兩宋名賢小集卷三百六

宋 陳思 編

元 陳世隆 補

雪窓小稿

張良臣字武子一字漢卿號雪窓其父自洪州避寇
來四明因占籍烏良臣為詩清刻高潔尤長於絕句
至舉子業非所能專隆興元年試南省魏文節公杞

時為參詳攜其三策以見知舉張燾曰此文拙古必
故人張武子所作使欲得士願以進燾許之撤試果
良臣也杞晚居小溪日與良臣誦唱平生官止監左
藏庫詩集十卷至咸淳間彌甥徐直諒裒刻於廣信
郡

晚步南城下

冷雲堆屋晚仍春
惘惘人行陌上昏
飛去飛來沙上雁
去年洲渚舊蘆根

春詞

野闌無限楚時春
卷岸風平綠自薰
睡起畫簷雙語燕
梨花留得夜來雲

後至寒香復倚春
潘嬌梳洗最輕盈
南朝破後無詞客
燕子桃花古石城

芳草復芳草

芳草復芳草
有人孤倚樓
明月復明月
何處照離洲
相見渺無期
此恨詎相知
日暮天寒吹
屬玉蠻江豈
寇重

重綠

玉臺體

一寸春霏拂綺寮
蕙花江上雪初銷
傷心燕子重來地
無復人吹紫玉簫

主人流落委荒墳
燕子還來壞戟門
惟有桃花古時月
端端正正照啼痕

曉行

千山萬山星斗落
一聲兩聲鐘磬清
路入小橋和夢過

豆花深處草虫鳴

陪天童覺禪師如蕪城

風勒江雲雪未勻
夢寒不到碧梅春
破帆又指蕪城近
漠漠平沙落雁頻

失題

柳暗旗亭不忍看
臨江愁殺晉衣冠
傷心明月揚州路
十里珠簾蕙艸寒

示長蘆仁禪師

叢叢竹雀鬧人家農事春來漸有涯
品字柴頭煨正煖不知風雪到梅花

別特上人

茂竹永和字院花天寶詩晴江入舟楫
忍淚別僧持

梅市道中

連雨疎篷不耐關修眉如失更晴慳
越王故國無人問艇子穿花自往還

有懷山房

每憶山房話夜深
几前無主亦無賓
老兵未領西來意
斜倚屏風一欠伸

西湖晚歸

帖帖平湖印晚天
踏歌游女錦相牽
鳳城半掩人爭路
猶有鳴琴落後船

書情奉寄蔣弋陽公

五都一何綺歌管
正繁會睠我友
明月援情寫秋瀨
何言異離復一飽
困藜裨風雨墨如翳
欲往徒自礙
頽年

去堂堂白髮新種種崎嶇造化久敗屢常決踵從來萬
里意不料乘嶮恐鳴鶴略九臯未羨乘軒寵

留題吳興投老菴

白鷺悠悠去不還渚雲汀艸一生閒暮年不入西州路
空倚梅花說住山

送人游姑蘇

兒時吾亦寄君州細細聽君說舊游處處綠波通酒巷
女郎多在採菱舟

雪後

雪花竹屋未全消
寒雀梢頭眼
擘椒紙閣不烟
梅自放底能踏濕渡溪橋

九日書呂季慈室

上池入寺見承平
影落南州迹
易陳手把黃花看
新雁風烟愁殺舊京人

感舊

三十六陂春水綠
四十九年人事非
揚子江頭永嘉後

吳儂蕩漿北人稀

山房惠猫

從來憐汝丈人烏端正街蟬雪不如江海歸來聲繞膝
定知分訴食無魚

過臨平

兒時曾憶此登臨細說窮途有述証四十九年遽伯玉
月明人靜過臨平

過西溪

晝盡層波蕙艸荒
冷雲客鴈兩回皇
梅花到得吹成雪
盡是清愁不是香

贈英上人

之秦賸肯迎張祿
踏越何曾用計然
元鼎事看蛙勝負
大槐人與蟻相連

酒熟

濁醪初熟薦霜螯
不擬寒山不廣騷
清曉豆花籬下立
竹梢獨與月爭高

遺家書

家住鄱城小洞天
經年烹鯉尚茫然
幾回鵲喜無消息
吹殺燈花獨自眠

祝猫

江上孤蓬雪壓時
每懷寒夜暖相依
從今休慣穿籬落
取次懷春屢不歸

偶題

誰家池館靜蕭蕭
斜倚朱門不敢敲
一段好春藏不盡

粉牆斜露杏花梢

萱草

雪色侵凌綠剪芽
枝抽寒玉帶金葩
北堂回首傷心處
却復令人恨此花

小破

小破燕支鈿早梅
雪雲平淡越江遲
青山歲夜行人少
鴨鴨羣飛淺艸時

謝江尚書見訪


黃葉聲中接錦韉
添丁籬落怪相牽
歸來賸欲從僧話
正掩楞伽曝背眠

夏夜

恰則黃昏雨便晴
青塘迤邐盡蛙鳴
月明已在芭蕉上
猶有殘簷點滴聲

平旦

平旦梅花破冷紅
越香何限水流東
陳平翠袖新年恨
盡在吹香笑語中



欽定四庫全書

兩宋名賢小集
卷三百六

兩宋名賢小集卷三百六

欽定四庫全書

集部

兩宋名賢小集卷三百七
十至

詳校官中書_臣閔思毅

助教_臣常循覆勘

總校官編修_臣王燕緒

校對官助教_臣汪錫魁

謄錄監生_臣朱思

欽定四庫全書

兩宋名賢小集卷三百七

宋 陳思 編

元 陳世隆 補

漁溪詩藁

俞桂字晞郊錢唐人紹興五年舉進士嘗出守海濱
政劇民頑桂理之裕如不廢吟咏與菊潭吳惟信云
居陳起詩丈相往復有漁溪詩藁三卷

雨吟

輕輕烟霧失樓臺
雨暗吳山鎖不開
試與漁翁閒訪問
落花幾許汎溪來

過湖

舟移別岸水紋開
日暖風香正落梅
山色濛濛橫畫軸
白鷗飛處帶詩來

和葉廣文韻

入得春來物物饒
翻思湖上短長橋
去年寒食閒遊處

曾把扁舟繫柳條

書齋

野草沿庭砌清閒日掩扉晚涼疏雨過落葉覺蟬稀天
籟自鳴竹砧聲誰擣衣僧寮不過此何必叩玄機

閱名勝詩集

買得山房數冊詩倚蓬細讀已移時只貪眼底看冰玉
月上荷花更不知

書懷

欽定四庫全書

蘇軾詩集卷三百七

僻性止耽書村中謾寓居心惟求事省身合與名疏木
葉秋風起蛩吟夜雨初吾生今晚矣不必問何如

閨怨

鳳幃曉起鬢鬆鬆枕肉初生酒暈紅一把柳絲挪在手

沈吟無語對春風

沈吟一作尋思

誰憐人去鎖朱樓終日憑闌只帶愁燕子也知人薄倖
飛來略不傍簾鉤

溪流

雲脚纔行又復開
一聲隱隱只空雷
家僮忽報溪流漲
知是前村落雨來

初秋

火老金柔暑告殘
乘涼正好望西山
秋聲來處無尋覓
只在窓前竹葉間

雜興

漫山花發草萋萋
楊柳花綿水拍堤
況是客懷禁不得
那堪杜宇耳邊啼

欽定四庫全書

兩宋名賢小集
卷三百七

三

偶吟

降伏吾心法無如去外魔苦吟詩愈拙着意字猶訛荏
苒青衫舊消磨白髮多不才為世棄徒自詠卷阿

雨中遣愁

花已開時人正愁花簪頭上使人羞一春可厭無晴日
下却珠簾懶凭樓

清明

朝來閣雨喜新晴枝上綿蠻調好聲佳節莫將虛過了

人生贏得幾清明

即事

陰雲釀雨勒花遲
梅已飄殘到杏枝
好是池塘清夢處
勾吟春草入新詩

松江

荷葉翻風暑氣微
看山露冷濕征衣
垂虹夜靜三高月
只照漁溪一舸歸

惜春

春事三分過二分桃花水上覓紅雲遊人浪說春歸去
柳外黃鸝尚自吟

次吳秋潭韻

相逢款話傍簷西坎止流行事不齊君到白蘋秋正好
飽吟風月棹前溪

東山

東山隨分作生涯即是清高隱者家粗有小園供日涉
不愁無地種梅花

夏中即事

黃梅過了猶慳雨幸有南薰在翠槐燕子亦於貧者薄
今年全不見飛來

延祥觀

御園猶自有逋梅約束遊人莫肯開聽得老兵談舊事
幾年不見翠華來

虎丘

兩寺今為一因秦虎占丘鶴飛王劍化鳥宿古墳愁石

與泉流接池通海水浮爭奇多勝槩不及盡追遊

家園

眺望西山在目中更須寬展竹籬通殘梅尚守清廉節
不嫁東君昨夜風

首夏

槐幄陰陰蔽綠扉池抽荷葉落薔薇梁間紫燕新離弱
來傍簷前旋學飛

偶成

短髮蕭蕭滿鏡秋家居但覺歲時流
兩年不見西湖面
笑我寒盟是白鷗

月夜

江南又見鴈南飛
楓葉蕭疎旋覺稀
邊塞戍夫天氣冷
誰家月夜搗征衣

裴墳

乘船寄僻徑墳古最幽
深山近風常冷松蟠晝亦陰
來時無速騎歸路有鳴禽
寄語城居者何人肯訪尋

山中

剖竹相通澗下泉更邀山色在尊前一鉤明月軒窓上
欹枕藤牀獨自眠

惠山

徑入松關古秋雲帶樹煙只疑山有雨恰是澗流泉
客詩留壁遊人岸繫船憑誰招陸羽淪茗古欄邊

秋懷

喚醒歸舟是早秋水光雲影兩悠悠西風不管梧桐怨

一葉吹來一葉愁

農事

東作農家處處忙
金珠非是療飢方
京華只識笙歌樂
豈識男耕與女桑

甘露寺

占斷淮南勢
西風入鬢毛
一江流不盡
多景最為高
斜日迷烟樹
孤帆送客舸
興懷人物少
今古等秋毫

夏晨偶作

蠶事行將了農家刈麥初雨慳林少笋水澁港無魚因
病嘗慙酒偷閒懶荅書今年身愈老事事覺全疎

贈雲間陸琴士

地僻居閒絕可人殷勤過我抱桐君聲中知有遼天鶴
彈散華亭一片雲

烟霞石壁

山深入翠微寺僻掩幽扉景別金仙記人忘塵世機石
滋崖雨滴龍出洞雲飛結屋同僧處何須賦式微

久雨

踰月留京國春光總不知可傷連夜雨好似暮秋時有
客來無酒逢人只說詩官中聞閉糴應是細民饑

次坦菴兄韻

便中蒙賜墨得句勝如書暫爾兩年別俄然春暮餘夢
馳情不間心邇迹何疎自省吾今老湖山縛屋居

豫章滕閣

勝閣昔曾遊今無檻外樓遠山連樹合盡日對江流古

石空存記騷人易感愁夜深歌酒處燈火燦漁舟

寄書

歲月逡巡笑故吾人生南北隔江湖樓頭約取衡陽鴈
寄得一行書信無

兩宋名賢小集卷三百七

欽定四庫全書

兩宋名賢小集卷三百八

宋 陳 思 編

元 陳世隆 補

漁溪詩藁

泉亭

步入侵雲嶺亭高路恰平池邊幽樹占水底細沙明無
友詩難詠逢僧話轉清此中真勝地林寂鳥無聲

欽定四庫全書

兩宋名賢詩集
卷三百八

夏晝

輕搖羽扇着輕紗閒汲清泉自煮茶
綠是夏來無甚雨小池猶未有荷花

楓橋寺

湖水相連月照天鴈聲嘹唳攪人眠
昔人曾到楓橋宿石岸旁邊繫小船

秋千

吾今兩鬢已成絲每每逢春獨自悲
最恨秋千無力上

風流不比少年時

早春

客裏匆匆二月春
梅花開後柳爭新
西湖不待清明到
早有尋芳拾翠人

寄懷

一番舊事總成空
莫使相思夢裏逢
惆悵陽臺雲共雨
陽臺今隔幾千重

夏中即事

欽定四庫全書

卷三百八

青青梅子已添肥
犢角新抽晚笋遲
茶罷日長消睡處
案頭一卷樂天詩

看先叔祖青松居士倉使詩

儒冠每笑拙身謀
春日因何挂玉留
南浦未思芳草恨
西湖正為落梅愁
四靈去矣今如在
諸老蕭然事已休
衣鉢青松誰繼續
家雞還復可搜求

軍中請衣

諸營今日請春衣
積沓如山競捧歸
曾念雪中兵墮指

戍邊鐵甲正防圍

海棠

海棠嫋嫋弄胭脂
雨入枝頭睡正宜
最是高人有遺恨
杜陵因甚却無詩

居官

幸喜居官事不多
庭空吏散雀堪羅
近來轉覺詩朋少
誰肯高軒為我過

心事

落落功名鬢早斑
蹉跎心事十年間
看來只合歸湖上
魚釣叢中盡日閒

垂虹

松江一景是虹橋
欲約騷人釣巨鰲
吳越封疆知幾夢
古今人物壯三高
雪天斫鱸莎烟冷
秋月漁歌劍氣豪
收拾琉璃千萬項
盡為醺醖汲波濤

臘八前四日

天氣晴和又作陰
老來畏冷自難禁
餘寒待伴留痕在

殊動騷人訪戴心

湖上閒步

一番雨過一番春
芒竹閒行踏軟塵
城裏不知春色早
湖邊楊柳已撩人

新竹

傍牆穿過鄰家竹
愛護新篁數十竿
剪伐莫令僮僕輩
老夫日日要來看

松江

香飄菡萏短篷中
水色山光一樣同行止
又非人所料
今年兩度上垂虹

虎丘

突兀浮圖插翠微
吳王事迹總成非
寺僧未晚山門閉
不放閒雲一片飛

秋詠

吟軸捲還開行歌興盡回
買花澆換葉開徑埽蒼苔巾
學涼紗樣衣從薄
苧裁潘郎羞鬢白多是為秋來

秋夜

秋夜多愁思，虛堂風露涼。
觀書燈可近，欲睡漏初長。
螢響頻催織，螢飛爍有光。
雨梢窗外過，散入稻花香。

寄陳芸居

生長京華地，衣冠東晉人。
書中塵不到，筆下句通神。
江海知名日，池塘幾夢春。
精神長似舊，芸藁愈清新。

冷泉亭

欲訪飛來景，湖頭賃小船。
白雲侵嶺下，翠樹傍泉邊。
入

寺人須到深林影自圓山居相去近夜坐學參禪

春晚湖上

花事已成休都人懶出遊水添烟浪濶山帶夕陽愁柳樹鳴黃鳥沙隄卧白鷗不辭歸路遠何必買扁舟

春詠

盡日看詩只掩扉出門細雨怕沾衣杏花已露胭脂色燕子如何却未歸

苔錢

庭砌方圓出化均何須抵死論錢神
貧家阿堵新添富
買斷西湖風月春

買魚

蘆花荷葉晚秋天雁影橫斜遠水連
頻喚買魚人不應言
偷忙撐入怕官船

即事

東君無處不繁華一雨纔晴意便佳
客舍山梅開遍了
從今懶買擔頭花

送春

作惡情懷是別離
老夫嬾作送春詩
東君歸去無蹤跡
試問垂楊便可知

春歸

青青結子在梅梢
方見春來夏已交
認得主人雙燕子
香泥銜去理新巢

晴天氣淑濃如酒
引得狂蜂路亦迷
獨立闌干凝望處
賣花人在畫橋西

閒中

花飛春減燕雛飛
葉葉成陰障翠圍
囊裏酒錢消鑠盡
滿船贏得載詩歸

江頭

漁浦山邊白鷺飛
西興渡口夕陽微
等閒更上層樓望
貪看江潮不肯歸

口占

園林綠暗又紅稀
蜀鳥啼山笋蕨肥
春夏一番交篆早

綿衣脫了換單衣

吟詩

漁溪僻好只吟詩此意還須識者知自古島郊貧徹骨
詩逢窮處始為奇

社日

今朝社日寒猶力燕子還尋五柳家宰肉不沾吾分薄
強斟醵酒度年華

喜雨上別大參

爰立為霖仰望深今朝一雨慰蒼生經綸久東君心在
變理還同天道亨愛國慮勤寬玉帶籌邊謀遠捍金城
我公勲業難摹寫但見皇家慶太平

寓京二首

一官濩落笑如初只合空山去讀書不稼不漁無活計
謾將名氏玷公車

車馬滔滔厭軟紅湖邊秋意屬西風木犀初放荷花老
買箇船兒學釣翁

春日即事

春入侯家春事深
日長庭院又沈沈
客中不耐如絲雨
攪起思家寸寸心

春光滿目是湖頭
水碧琉璃拍岸流
憶着去年桃葉渡
相思無限使人愁

丙午七夕後一日晚抵松江塔下

到得垂虹迫暮烟
前村雨暗莫行船
幸然得與僧人熟
借得終宵客位眠

客中情況少人知
正值鐘聲約束時
清坐更無人共話
挑燈來看菊潭詩

兩宋名賢小集卷三百八